

zasebno. Ona je u potpunosti opisana u Izvještaju iz 2000. godine, no ovdje je iznova uključena, da bi se dobio kompletan uvid.

Grobnica L

Grobnica L bila je neoskvrnuta, neopljačkana grobnica, koja je sadržavala tijela 12 muškaraca. Razlika je bila u tome što su ti muškarci bili vezani po dvojica, ligaturama oko ručnih zglobova.

- Muškarci su bili stari između 20 i 50 godina, iako je moguće da je jedan od njih bio mlađi
- Još su uvijek bili obučeni, ni jedan u vojnu uniformu. Činjenica je bila, da li od značaja ili ne, da šestorica njih nisu imali pertli u cipelama.
- Nijedan nije pri sebi imao ama baš nikakvih ličnih stvari.

Ligature (i povezi za oči)

- Ovih je dvanaest muškaraca bilo vezano po dvojica, ligaturama oko ručnih zglobova. U biti je svaki od njih imao ruke vezane na leđima, debelim bijelim uštom omotanim oko ručnog zgloba. Ovo je potom bilo povezano s uzama drugog čovjeka, bilo produžetkom ušeta, bilo njegovim zasebnim kratkim komadom. Sudeći prema dužinama ušeta, ovi su muškarci vjerojatno bili vezani tako da su jedan drugom bili okrenuti leđima, no moguće je da su postavljeni jedan pored drugog, a da su im ruke privučene. U svim je slučajevima korišten isti tip ušeta.
- Na razmrskanim lobanjama trojice muškaraca nađena je parčad široke ljepljive trake za pakovanje, koja vjerovatno predstavlja poveze za oči ili povez preko usta.

Povrede

(1) Povrede od vatrenog oružja

Svi su muškarci bili ubijeni na isti način, jednim jedinim hicem u potiljak ili postrance u glavu. Obrazac po kojem je svakom od parova žrtava nanesena povreda, bio je upečatljivo sličan:

- u osmoricu muškaraca, dakle u četiri para žrtava, pucano je samo jednom, i to nisko u potiljak, bilo po njegovoj središnjoj liniji, bilo jednostavno postrance. Metak je razmrskao lobanju i izišao na gornjoj strani čela
- jedan je par žrtava ustrijeljen pucnjem u glavu sa strane, oba člana para s lijeva – jedan kroz donju čeljust, a drugi neposredno ispred uha; zanimljivo je da su to bila dvojica na čijim je posmrtnim ostacima nađena ljepljiva traka za pakovanje
- posljednjem je paru žrtava, kao i većini prethodnih, bio prostrijeljen potiljak, no jednom od njih ne tako nisko kao ostalima, dok je moguće da je na drugog pucano dva puta; ova su dvojica muškaraca ujedno bili i jedini kojima je pucano i u druge dijelove tijela, i to po

dva puta u prsa, pri čemu je jedan od hitaca očevidno ispaljen odozgo, jer je metak prošao kroz desno rame

Sistematičnost obrasca povreda glave vatrenim oružjem, razmatrana u kontekstu postojanja ligatura, izrazito upućuje na to da su povrede nanesene ciljano i iz neposredne blizine. Što se tiče oružja kojim su povrede nanesene, čini se da se radilo o puškama s velikom izlaznom brzinom zrna.

(2) Druge povrede

Ni na jednom od mrtvih muškaraca nije bilo znakova razorne povrede, no većina ih je dodatno imala i prijelome, koji su u različitoj mjeri zahvatili rebra, kičmu, lopatice, karlicu i nadlaktice. Pri dilemi radi li se o postmortalnim ili zaživotnim povredama, prevagnula je odluka da su to postmortalne povrede, iako se mogućnost da su neke od ovih povreda nastale zaživotno nije mogla u potpunosti isključiti.

Grobnice C, E, F, H i K

Ni na jednom od tijela iz ovih grobnica nisu nađene ligature ili povezi za oči, a povrede na njima bile su uopštenije i raznolikije.

Povrede

(1) Povrede od vatrenog oružja

Na 119 od 179 tijela, dakle na njih 66%, bile su prisutne ubjedljive povrede od vatrenog oružja, koje su pokazivale sljedeće osobenosti:

i Broj povreda

Pronađeno je barem **290** odvojenih povreda od metaka, što znači da je svaka od osoba prosječno pogođena **2,4** puta. Najveći broj pucnjeva u jednu te istu osobu iznosio je **7**, no većina ih je bila pogođena samo dva do tri puta. Raspodjela je prikazana na tabeli niže.

Broj hitaca ispaljen u osobu	Broj osoba koji je imao dotični broj prostrijela
1	33
2	37
3	25
4	15
5	7
6	1
7	1

Tabela 2. Broj hitaca

Komentari koji su dani uz prikaz slučajeva iz grobnice Ravnice, a odnose se na utvrđivanje preciznog broja hitaca i uzimanje ovih cifri kao najmanjih koje dolaze u obzir, u potpunosti vrijede i ovdje.

03080697

ii Dio tijela pogođen mecima

U smislu toga koji su dijelovi tijela bili pogođeni mecima, raspodjela je bila